

## Von der Heiligen

Erden. Denn wird er auch im höchsten Thron/ Für Gott mit ehre  
bekennen/ vnd in nennen/ Seine Miterben schon/ Der Frewd wird  
sein kein ende.

### Gebet zu Gott dem H. Geiste.

**D** Heiliger Geist/warhafftiger Allmechtiger Gott/ der  
du dich geoffenbaret hast/ da du vber die Apostel sicht  
barlich ausgegossen bist/ du Rechte der Wahrheit/ vnd trost  
der Seelen/ den der Son Gottes vns zu senden gelobt hat/  
Wir bitten dich von hertzen / du wollest dich vnser erbar-  
men/ vnd vmb des Heilandes Jesu Christi willen / in vns  
rechte erkentnis vnd anruffung der Göttlichen Majestet/  
des ewigen Vaters/ vnd des Sons Jesu Christi/ sampt dir  
erwecken/ du woltest vns nie in verführung vnd auff Irr-  
thumb fallen lassen/ vnser hertzen rein vnd heilig machen/  
Gottes furchte/rechten trost/Glauben/hoffnung/vnd liebe  
gegen dir in vns erwecken/ du woltest auch die heilige Chri-  
stenheit für vnd für erhalten/vnd mit rechter Lere/ gutem  
Rathe vnd einigkeit regieren: Auch in weltlicher Regie-  
rung guten Rath/fruede/vnd einen seligen Standt geben/  
das wir der Göttlichen Majestet/dem ewigen Vater / vnd  
dem Sohn Jesu Christo/ sampt dir/ in ewigkeit mit fröli-  
chem hertzen dancken vnd loß sagen/ durch vnsern Vrtel  
Jesum Christum/ der mit dir vnd dem Vater lebet vnd re-  
gieret/von ewigkeit zu ewigkeit/ Amen.